

ՄԿԻՋԲԵՆ ՍՐԲՈՅ ՊԱՏԱՐԱԳԻ

ՔԱՀԱՆԱՅՆ – Յանուն Հօր **†** և Որդոյ և Հոգւոյն սրբոյ, այժմ և միշտ և յաիտեանս յաիտենցց. ամէն:
Վասն սրբուհոյ Աստուածածնին, Տէր, ընկալ՛ զաղաչանս մեր և կեցո՛ղ զմեզ:

ՄՊԱՍԱԻՈՐՆ - Սուրբ զԱստուածածինն և զամենայն սուրբս բարեխօս արասցուք առ Հայր ի յերկինս, զի կամեցեալ ողորմեսցի և գթացեալ կեցուցէ զարարածս իւր: Ամենակալ Տէր Աստուած մեր, կեցո՛ղ և ողորմեա՛:

ՔԱՀԱՆԱՅՆ - Ընկալ, Տէր, զաղաչանս մեր բարեխօսութեամբ սուրբ Աստուածածնին՝ անարատ ծնողի Միածնի Որդոյ քոյ և աղաչանօք ամենայն սրբոց քոց (և որոց այսօր է յիշատակ կամ և աւուրս շնորհիւ), լոր մեզ, Տէր, և ողորմեա՛. ներեա՛, քաւեա՛ և թող զմեղս մեր: Արժանատրեա՛ գոհութեամբ փառատրել զքեզ ընդ Որդոյ և ընդ սուրբ Հոգւոյդ. այժմ և միշտ և յաիտեանս յաիտենից. ամէն:

Խոստովանիմ առաջի Աստուծոյ և սրբուհոյ Աստուածածնին և առաջի ամենայն սրբոց և առաջի ձեր, հարբ և եղբարք, զամենայն մեղս՝ զոր գործեալ եմ: Քանզի մեղայ խորհրդով, բանիւ և գործով և ամենայն մեղօք՝ զոր գործեն մարդիկ. մեղայ, մեղայ: Աղաչեմ զձեզ, խնդրեցէ՛ք վասն իմ յԱստուծոյ զթողութիւն:

ՄՊԱՍԱԻՈՐՆ - Ողորմեսցի քեզ Աստուած, հօրն, և թողութիւն շնորհեսցէ ամենայն յանցանաց քոց, անցելոյն և այժմուս, և յառաջակայէն փրկեսցէ զքեզ և հաստատեսցէ յամենայն գործս բարիս և հանգուցէ զքեզ ի հանդերձեալ կեանս:

ՔԱՀԱՆԱՅՆ - Ամէն: Ազատեսցէ **✠** և զձեզ մարդասէրն Աստուած և թողցէ զամենայն յանցանս ձեր: Տացէ ժամանակ ապաշխարելոյ և գործելոյ զբարիս: Ուղղեսցէ և զառաջկալ կեանս ձեր, շնորհօք սուրբ Հոգւոյն, հօրն և ողորմածն, և նմա փառք յաիտեանս:

ՄՊԱՍԱԻՈՐՆ - Ամէն: Յիշեսցի՛ր և զմեզ առաջի անմահ Գառիկն Աստուծոյ:

ՔԱՀԱՆԱՅՆ - Յիշեալ յիջիք առաջի անմահ Գառիկն Աստուծոյ: Մտից առաջի սեղանոյ Աստուծոյ առ Աստուած, որ ուրախ առնէ զմանկութիւն իմ:

ՄՊԱՍԱԻՈՐՆ - Դատ արա ինձ, Աստուած, և իրաւ արա ինձ ի դատաստանի իմում:

ՔԱՀԱՆԱՅՆ - Յազգէ որ ոչ է սուրբ, ի մարդոյ մեղատրէ, նենգատրէ, փրկեա՛ զիս:

ՄՊԱՍԱԻՈՐՆ - Դու Աստուած, հօրիչ իմ ես. ընդէ՞ր մոռացար զիս, ընդէ՞ր տրտում զնամ ես ի նեղել թշնամոյ իմոյ:

ՔԱՀԱՆԱՅՆ - Առաքեա՛, Տէր, զլոյս քո և զճշմարտութիւն քո, զի առաջնորդեսցեն ինձ և հանցեն զիս ի լեռն սուրբ և ի յարկս քո:

ՄՊԱՍԱԲՈՐՆ - Մտից առաջի սեղանոյ Աստուծոյ առ Աստուած, որ ուրախ առնէ զմանկութիւն իմ:

ՔԱՀԱՆԱՅՆ - Խոստովան եղէց քեզ օրհնութեամբ, Աստուած, Աստուած իմ:

ՄՊԱՍԱԲՈՐՆ - Արդ, ընդէ՞ր տրտում ես անձն իմ, կամ ընդէ՞ր խռովես զիս. յուսա՛ առ Աստուած, խոստովանեա՛ նմա, փրկիչ երեսաց իմոց Աստուած է:

ՔԱՀԱՆԱՅՆ - Փառք Հօր † եւ Որդոյ եւ Հոգւոյն Սրբոյ:

ՄՊԱՍԱԲՈՐՆ - Այժմ եւ միշտ եւ յաիտեանս յաիտենից. ամէն:

Եւ եւս խաղաղութեան զՏէր աղաչեսցուք: Օրհնեսցուք զՀայր Տեառն մերոյ Յիսուսի Քրիստոսի, որ արժանի արար զմեզ կալ ի տեղոց փառաբանութեան եւ երգել զերգս հոգւորս: Ամենակալ Տէր Աստուած մեր, կեցո՛ւ եւ ողորմեա՛:

ՔԱՀԱՆԱՅՆ - Ի յարկի սրբութեան եւ ի տեղոց փառաբանութեան, հրեշտակաց բնակարանիս եւ մարդկան քաւարանիս, առաջի աստուածընկալ եւ պայծառացեալ սուրբ նշանացս եւ սուրբ սեղանոյս, խոնարհեալ երկիւղի երկիր պագանենք. զսուրբ, զհրաշայի եւ զյաղթող զՅարութիւնդ քո օրհնենք եւ փառաւորենք, եւ քեզ մատուցանենք, զօրհնութիւն եւ զփառս, ընդ Հօր եւ ընդ Հոգւոյդ սրբոյ, այժմ եւ միշտ եւ յաիտեանս յաիտենից. ամէն:

ՄՊԱՍԱԲՈՐՆ - Եւ եւս խաղաղութեան զՏէր աղաչեսցուք, ընկա՛լ, կեցո՛ւ եւ ողորմեա՛:

ՔԱՀԱՆԱՅՆ - Օրհնեալ թագաւորութիւնն Հօր † եւ Որդոյ եւ Հոգւոյն սրբոյ, այժմ եւ միշտ եւ յաիտեանս յաիտենից. ամէն:

ՄՊԱՍԱԲՈՐՆ - Եւ եւս խաղաղութեան զՏէր աղաչեսցուք, ընկա՛լ, կեցո՛ւ եւ ողորմեա՛:

ՔԱՀԱՆԱՅՆ - Օրհնութիւն եւ փառք Հօր † եւ Որդոյ եւ Հոգւոյն սրբոյ, այժմ եւ միշտ եւ յաիտեանս յաիտենից. ամէն:

Խաղաղութիւն † ամենեցուն:

ՄՊԱՍԱԲՈՐՆ - Եւ ընդ հոգւոյդ քում:

ՔԱՀԱՆԱՅՆ - Աստուծոյ երկրպագեսցուք:

ՄՊԱՍԱԲՈՐՆ - Առաջի քո, տէր:

ՔԱՀԱՆԱՅՆ - Տէր Աստուած մեր, որոյ կարողութիւնդ անքնին է եւ փառքդ անհասանելի, որոյ ողորմութիւնդ անչափ է եւ զթութիւնդ անբաւ, դու ըստ առատ մարդասիրութեան քում նայեա՛ ի ժողովուրդս քո եւ ի տաճարս յայս սուրբ: Եւ արա՛ ընդ մեզ եւ ընդ աղօթակիցս մեր առատապէս զողորմութիւն քո եւ զգթութիւն: Զի քեզ վայելէ փառք, իշխանութիւն եւ պատիւ, այժմ եւ միշտ եւ յաիտեանս յաիտենից. ամէն:

ՔԱՀԱՆԱՅՆ - Զի քո է կարողութիւն եւ զօրութիւն եւ փառք յաիտեանս. ամէն:

ՄՊԱՍԱԻՈՐՆ - Պռօսխումէ՛:

Սուրբ Աստուած, սուրբ եւ հօօր, սուրբ եւ անմահ, որ յարեար ի մեռելոց, ողորմեա՛ մեզ: (որ խաչեցար վասն մեր, ողորմեա՛ մեզ):

ՔԱՀԱՆԱՅՆ - Ձի ողորմած եւ մարդասէր ես, Աստուած գոլով. եւ քեզ վայելէ փառք, իշխանութիւն եւ պատիւ, այժմ եւ միշտ եւ յաիտեանս յաիտենցջ. եմէն:

Ասացեալ ըստ խորհրդոյ ատուրն զՍաղմոսն, ընթերցցի զԳիրսն Առաքելական:

Ապա զատուր պատշաճի զԱլելու.

Ալելուիա. ալելուիա: Ալելուիա...:

ՄՊԱՍԱԻՈՐՆ - Ալելուիա Օրթի:

ՔԱՀԱՆԱՅՆ - Խաղաղութիւն ք ամենեցուն:

ՄՊԱՍԱԻՈՐՆ - Եւ ընդ հոգւոյդ քում: Երկիւղածութեամբ լուարուք:

ՔԱՀԱՆԱՅՆ - Սրբոյ Անետարանիս որ ըստ ք

ՄՊԱՍԱԻՈՐՆ - Փառք քեզ, Տէր Աստուած մեր: Պռօսխումէ՛: Ասէ՛ Աստուած:

ՔԱՀԱՆԱՅՆ - ք ք ...

ՄՊԱՍԱԻՈՐՆ - Փառք քեզ, Տէր Աստուած մեր:

ՔԱՀԱՆԱՅՆ - Հաւատամք ի մի Աստուած՝:

Ի Հայրն ամենակալ, յարարիչն երկնի եւ երկրի՝ երեւելեաց եւ աներեւոյթից:

Եւ ի մի Տէր Յիսուս Քրիստոս, Որդին Աստուծոյ, ծնեալն յԱստուծոյ Հօրէ՛ միածին, այսինքն՝ յէութենէ Հօր: Աստուած յԱստուծոյ, լոյս ի լուսոյ, Աստուած ճշմարիտ, յԱստուծոյ ճշմարտէ, ծնունդ՝ եւ ոչ արարած: Նոյն ինքն ի բնութենէ Հօր, որով ամենայն ինչ եղև յերկինս եւ ի վերայ երկրի՝ երեւելիք եւ աներեւոյթք: Որ յաղագս մեր մարդկան եւ վասն մերոյ փրկութեան՝ իջեալ ի յերկնից, մարմնացաւ, մարդացաւ, ծնաւ կատարելապէս ի Մարիամայ սրբոյ Կուսէն՝ Հոգւովն սրբով: Որով էառ մարմին, հոգի եւ միտք, եւ զամենայն որ ինչ է ի մարդ, ճշմարտապէս եւ ոչ կարծեօք: Չարչարեալ, խաչեալ, թաղեալ, յերրորդ ատուր յարուցեալ, ելեալ ի յերկինս նովին մարմնովն, նստաւ ընդ աջմէ Հօր: Գալոց է նովին մարմնովն եւ փառօք Հօր՝ ի դատել զկենդանիս եւ զմեռեալս: Որոյ թագաւորութեանն՝ ոչ գոյ վախճան:

Հաւատամք եւ ի սուրբ Հոգին՝ յանեղն եւ ի կատարեալն: Որ խօսեցաւ յօրէնս եւ ի մարգարէս եւ յաւետարանս: Որ էջն ի Յորդանան, քարոզեաց յառաքեալսն եւ բնակեցաւ ի սուրբսն:

Հաւատամք եւ ի մի միայն յընդհանրական եւ յառաքելական սուրբ Եկեղեցի: Ի մի մկրտութիւն՝ յապաշխարութիւն, ի քաւութիւն եւ ի թողութիւն

մեղաց: Ի յարութիւն մեռելոց: Ի դատաստանսն յախտենից, հոգւոց եւ մարմնոց: Յարքայութիւնն երկնից. եւ ի կեանսն յախտենականս:

ՔԱՀԱՆԱՅՆ - Որպէս զի արժանատրք եղիցուք գոհութեամբ փառատրել զքեզ ընդ Հօր եւ ընդ սրբոյ Հոգւոյդ, այժմ եւ միշտ եւ յախտեանս յախտենից. ամէն:
Խաղաղութիւն ք ամենեցուն:

ՄՊԱՍԱԻՈՐՆ - Եւ ընդ հոգւոյդ քում:

ՔԱՀԱՆԱՅՆ - Աստուծոյ երկրպագեսցուք:

ՄՊԱՍԱԻՈՐՆ - Առաջի քո, Տէր:

ՔԱՀԱՆԱՅՆ - Խաղաղութեամբ քով, Քրիստոս փրկիչ մեր, որ ի վեր է քան զամենայն միտս եւ զքանս, ամբաստն՝ զմեզ եւ աներկիւղ պահեա՛ յամենայն չարէ: Հաւասարեա՛ զմեզ ընդ ճշմարիտ երկրպագոս քո, որք հոգւով եւ ճշմարտութեամբ քեզ երկիր պագանեն: Վասն զի ամենատրք Երրորդութեանդ վայելէ փառք, իշխանութիւն եւ պատիւ, այժմ եւ միշտ, եւ յախտեանս յախտենցց. ամէն:

Օրհնեալ † Տէր մեր Յիսուս Քրիստոս:

ՄՊԱՍԱԻՈՐՆ - Ամէն:

ՔԱՀԱՆԱՅՆ - Տէր Աստուած օրհնեսցէ ք զամենեսեանդ:

ՄՊԱՍԱԻՈՐՆ - Ամէն:

ՔԱՀԱՆԱՅՆ - Ծնորհօք եւ մարդասիրութեամբ Տեառն մերոյ եւ փրկչին Յիսուսի Քրիստոսի, ընդ որում քեզ Հօր, միանգամայն եւ Հոգւոյդ սրբոյ՝ վայելէ փառք, իշխանութիւն եւ պատիւ, այժմ եւ միշտ եւ յախտեանս յախտենից. ամէն:
Խաղաղութիւն ք ամենեցուն:

ՄՊԱՍԱԻՈՐՆ - Եւ ընդ հոգւոյդ քում:

ՔԱՀԱՆԱՅՆ - Աստուծոյ երկրպագեսցուք:

ՄՊԱՍԱԻՈՐՆ - Առաջի քո, Տէր:

ՔԱՀԱՆԱՅՆ - Ողջոյն տուք միմեանց, ի համբոյր սրբութեան. եւ որք ոչ էք կարող հաղորդել աստուածային խորհրդոյս եւ առ դրունս էք, աղօթեցէք:

ՄՊԱՍԱԻՈՐՆ - Քրիստոս ի մէջ մեր յայտնեցաւ. Որ էնն Աստուած աստ բազմեցաւ: Խաղաղութեան ձայն հնչեցաւ. Սուրբ ողջունիս հրաման տուաւ: Եկեղեցիս մի անձն եղեւ, համբոյրս յօդ լրման տուաւ: Թշնամութիւնն հեռացաւ. Սէր ընդ հանուրս սփռեցաւ:

ՔԱՀԱՆԱՅՆ - Ահիւ կացցուք, երկիւղիւ կացցուք, բարութ կացցուք, եւ նայեցարութ զգուշութեամբ:

ՄՊԱՍԱԻՈՐՆ - Առ քեզ, Աստուած:

ՔԱՀԱՆԱՅՆ - Պատարագ Քրիստոս մատչի Գառն Աստուծոյ:

ՄՊԱՍԱԻՈՐՆ - Ողորմութիւն եւ խաղաղութիւն եւ պատարագ օրհնութեան:

ՔԱՀԱՆԱՅՆ - Ծնորհք, սէր եւ աստուածային սրբարար զօրութիւնն Հօր † եւ Որդւոյ եւ Հոգւոյն Սրբոյ, եղիցի ընդ ձեզ ք ընդ ամենեսեան:

ՄՊԱՍԱԲՈՐՆ - Ամէն. եւ ընդ հոգւոյդ քում:

ՔԱՀԱՆԱՅՆ - Ի վեր ընծայեցուցէ՛ք զմիտս ձեր աստուածային երկխոյի:

ՄՊԱՍԱԲՈՐՆ - Ունիմք առ քեզ, Տէր ամենակալ:

ՔԱՀԱՆԱՅՆ - Եւ գոհացարոք զՏեառնէ բոլորով սրտի:

ՄՊԱՍԱԲՈՐՆ - Արժան եւ իրաւ:

ՔԱՀԱՆԱՅՆ - Եւ ընդ սերովբէսն եւ ընդ քերովբէսն միաձայն սրբասացութեամբ յօրինել նուագս, եւ համարձակապէս գոչելով՝ աղաղակել ընդ նոսին եւ ասել.

ՄՊԱՍԱԲՈՐՆ - Սուրբ, սուրբ, սուրբ, Տէր զօրութեանց, լի են երկինք եւ երկիր փառօք քո. օրհնութիւն ի բարձունս: Օրհնեալ՝ որ եկիր եւ գալոց եւ անուամբ Տեառն. ովսաննա՛ ի բարձունս:

ՔԱՀԱՆԱՅՆ - Առէ՛ք, կերէ՛ք, այս է Մարմին իմ, որ վասն ձեր եւ բազմաց բաշխի, ի քաւութիւն եւ ի թողութիւն մեղաց:

ՊԱՍԱԲՈՐՆ - Ամէն:

ՔԱՀԱՆԱՅՆ -- Արբէ՛ք ի սմանէ ամենեքեան. այս է Արիւն իմ՝ նորոյ ուխտի, որ յաղագս ձեր եւ բազմաց հեղանի, ի քաւութիւն եւ ի թողութիւն մեղաց:

ՄՊԱՍԱԲՈՐՆ - Ամէն:

ՔԱՀԱՆԱՅՆ - Եւ զքոյս ի քոյոցս քեզ մատուցանենք, ըստ ամենայնի եւ յաղագս ամենեցուն:

ՄՊԱՍԱԲՈՐՆ - Յամենայնի օրհնեալ եւս, Տէր. օրհնենք զքեզ, զովենք զքեզ. գոհանամք զքէն, աղաչենք զքեզ, Տէր Աստուած մեր:

ՔԱՀԱՆԱՅՆ - Խաղաղութիւն ք ամենեցուն:

ՄՊԱՍԱԲՈՐՆ - Եւ ընդ հոգւոյդ քում:

ՔԱՀԱՆԱՅՆ - Աստուծոյ երկրպագեսցոք:

ՄՊԱՍԱԲՈՐՆ - Առաջի քո, Տէր:

ՔԱՀԱՆԱՅՆ - Որպէս զի եղիցի սա ամենեցուն մեզ մերձեցելոցս՝ յանդատապարտութիւն, ի քաւութիւն եւ ի թողութիւն մեղաց:

ՄՊԱՍԱԲՈՐՆ - Ամէն:

ՔԱՀԱՆԱՅՆ - Ընդ որս եւ մեզ այց արասցես, բարերար Աստուած, աղաչենք:

ՄՊԱՍԱԲՈՐՆ - Յիշեա՛, Տէր, եւ ողորմեա՛:

ՔԱՀԱՆԱՅՆ - Աստուածածնին սրբոյ Կոսին Մարիամո եւ Յովհաննո Մկրտչին, Ստեփանոսի նախապկային եւ սրբոյ Հօրն մերոյ Գրիգորի Լուսատրչին եւ ամենայն սրբոց՝ եղիցի յիշատակ ի սուրբ պատարագս, աղաչենք:

ՄՊԱՍԱԲՈՐՆ - Յիշեա՛, Տէր, եւ ողորմեա՛:

ՔԱՀԱՆԱՅՆ - Օրհնեալ, զովեալ եւ փառաորեալ, հրաշալի եւ աստուածազարդ Տէրութեան Քրիստոսի երկիր պագանենք:

ՄՊԱՍԱԲՈՐՆ - Փառք Տէրութեան քոյ, Տէր:

ՔԱՀԱՆԱՅՆ - Սուրբ եւ աստուածահաճոյ Մարտիրոսին որոյ (որոց) այսօր գլխատակն կատարեցաք, եղիցի յիշատակ ի սուրբ պատարագս, աղաչեմք:

ՍՊԱՍԱԲՈՐՆ - Յիշեա՛, Տէր, եւ ողորմեա:

ՔԱՀԱՆԱՅՆ - Եւ առաւել զՍրբազան Պապն մեր զՏէր Ա.Ա. Քահանայապետ, եւ զԳերերջանիկ Պատրիարքն մեր զՏէր Ա.Ա. Կաթողիկոս, եւ զԵրջանիկ Առաջնորդն մեր զՏէր Ա.Ա. (Արք)Եպիսկոպոս: Շնորհեսցես մեզ ընդ երկայն ատուրս՝ ուղիղ վարդապետութեամբ:

ՍՊԱՍԱԲՈՐՆ - Շնորհեա՛, Տէր:

ՔԱՀԱՆԱՅՆ - Եւ եղիցի ողորմութիւն մեծիս Աստուծոյ եւ Փրկչիս մերոյ Յիսուսի Քրիստոսի՝ ընդ ձեզ, † ընդ ամենեսեան:

ՍՊԱՍԱԲՈՐՆ - Ամէն եւ ընդ հոգւոյդ քում:

ՔԱՀԱՆԱՅՆ - Եւ տո՛ր մեզ համարձակաձայն բարբառով բանալ զբերանս մեր, կարդալ զքեզ, երկնատրդ Հայր, երգել եւ ասել:

ՍՊԱՍԱԲՈՐՆ - Հայր մեր, որ յերկինս ես, սուրբ եղիցի անուն քո, եկեսցէ արքայութիւն քո, եղիցին կամք քո, որպէս յերկինս եւ յերկրի:

Ձիաց մեր հանապազորդ տո՛ր մեզ այսօր, եւ թող մեզ զպարտիս մեր, որպէս եւ մեք թողումք մերոց պարտապանաց. եւ մի՛ տանիր զմեզ ի փորձութիւն, այլ փրկեա՛ ի չարէ:

ՔԱՀԱՆԱՅՆ - Ձի քո է արքայութիւն եւ զօրութիւն եւ փառք յաիտեանսջ. ամէն:
Իսաղաղութիւն † ամենեցուն:

ՍՊԱՍԱԲՈՐՆ - Եւ ընդ հոգւոյդ քում:

ՔԱՀԱՆԱՅՆ - Աստուծոյ երկրպագեսցոք:

ՍՊԱՍԱԲՈՐՆ - Առաջի քո, Տէր:

ՔԱՀԱՆԱՅՆ - Քրիստոսի Յիսուսի Տերամբ մերով, ընդ որում քեզ Հոգւոյդ սրբոյ եւ Հօր ամենակալի վայելէ փառք, իշխանութիւն եւ պատիւ, այժմ եւ միշտ եւ յաիտեանս յաիտենից. ամէն:

ՍՊԱՍԱԲՈՐՆ - Պոսիխումէ:

ՔԱՀԱՆԱՅՆ - Ի սրբութիւն սրբոց:

ՍՊԱՍԱԲՈՐՆ - Միայն սուրբ, միայն Տէր, Յիսուս Քրիստոս՝ ի փառս Աստուծոյ Հօր. ամէն:

ՔԱՀԱՆԱՅՆ - Օրհնեալ Հայր սուրբ Աստուած ճշմարիտ:

ՍՊԱՍԱԲՈՐՆ - Ամէն:

ՔԱՀԱՆԱՅՆ - Օրհնեալ Որդիդ սուրբ Աստուած ճշմարիտ:

ՍՊԱՍԱԲՈՐՆ - Ամէն:

ՔԱՀԱՆԱՅՆ - Օրհնեալ Հոգիդ սուրբ Աստուած ճշմարիտ:

ՍՊԱՍԱԲՈՐՆ - Ամէն:

ՔԱՀԱՆԱՅՆ - Օրհնութիւն եւ փառք Հօր եւ Որդոյ եւ Հոգւոյն սրբոյ, այժմ եւ միշտ եւ յաիտեանս յաիտենից. ամէն:

ՄՊԱՍԱԲՈՐՆ - Ամէն: Հայր Սուրբ, Որդիդ սուրբ, Հոգիդ սուրբ: Օրհնութիւն եւ փառք Հօր եւ Որդոյ եւ սրբոյ Հոգոյն: Այժմ եւ միշտ եւ յաիտեանս յաիտենից. ամէն:

ՔԱՀԱՆԱՅՆ - Ի սուրբ, ի սուրբ, պատուական մարմնոյ եւ յարենէ Տեառն մերոյ եւ Փրկչին Յիսուսի Քրիստոսի, ճաշակեսցուք սրբութեամբ, որ իջեալ ի յերկնից՝ բաշխի ի միջի մերում: Սա է կեանք, յոյս, յարութիւն, քաւութիւն եւ թողութիւն մեղաց: Սաղմոս ասացէ՛ք Տեառն Աստուծոյ մերոյ, սաղմոս ասացէ՛ք երկնատր թագաւորիս մերոյ անմահի, որ նստի ի կառս քերովբէականս:

ՄՊԱՍԱԲՈՐՆ - Օրհնեալ է Աստուած:

ՔԱՀԱՆԱՅՆ - Լրումն **✠** Հոգոյն սրբոյ:

ՄՊԱՍԱԲՈՐՆ – Գոհութիւն քեզ Քրիստոս:

ՔԱՀԱՆԱՅՆ - Մարմին քո անապական լիցի **✠** ինձ ի կեանս:

ՄՊԱՍԱԲՈՐՆ - Ամէն:

ՔԱՀԱՆԱՅՆ - Եւ սուրբ արիւն քո՝ ի քաւութիւն **✠** եւ ի թողութիւն մեղաց:

ՄՊԱՍԱԲՈՐՆ - Ամէն:

Երկիրդիւ եւ հաւատով յառաջ մատիք եւ սրբութեամբ
հաղորդեցարուք:

ՔԱՀԱՆԱՅՆ - Հաւատամք ի Հայր սուրբ Աստուած ճշմարիտ:

ՄՊԱՍԱԲՈՐՆ - Ամէն:

ՔԱՀԱՆԱՅՆ - Հաւատամք յՈրդին սուրբ Աստուած ճշմարիտ:

ՄՊԱՍԱԲՈՐՆ - Ամէն:

ՔԱՀԱՆԱՅՆ - Հաւատամք ի Հոգին սուրբ Աստուած ճշմարիտ:

ՄՊԱՍԱԲՈՐՆ - Ամէն:

ՔԱՀԱՆԱՅՆ - Խոստովանիմք եւ հաւատամք՝ զի սա է ճշմարիտ մարմին եւ արիւն Տեառն մերոյ Յիսուսի Քրիստոսի, որ բառնայ զմեղս աշխարհի:

ՔԱՀԱՆԱՅՆ - Լիցի ձեզ ի քաւութիւն եւ ի թողութիւն մեղաց. ամէն:

ՄՊԱՍԱԲՈՐՆ - Աստուած մեր եւ Տէր մեր երեւեցաւ մեզ: Օրհնեալ եկեալ անուամբ Տեառն:

ՔԱՀԱՆԱՅՆ - Կեցո՛, Տէր, զժողովորդս քո, եւ օրհնեա՛՜ք զժառանգութիւնս քո, հովուեա՛ եւ բարձրացո՛ զսոսա՛ յայսմհետէ մինչեւ ի յաիտեան:

ՔԱՀԱՆԱՅՆ - Որ օրհնես զայնոսիկ, որք օրհնեն զքեզ, Տէ՛ր, եւ սուրբ առնես զ յուսացեալս ի քեզ: Կեցո՛ զժողովորդս քո, եւ օրհնեա՛ զժառանգութիւնս քո: Ջրումն Եկեղեցոյ քոյ պահեա՛: Սրբեա՛ զսոսա, որք ողջունեցին սիրով զվայելչութիւն տան քոյ: Դու զմեզ փառաւորեա՛ աստուածային զօրութեամբ քով. եւ մի՛ թողոր զյուսացեալքս ի քեզ: Չխաղաղութիւն քո պարգեւեա՛ ամենայն աշխարհի, եկեղեցեաց, քահանայից, թագաւորաց քրիստոնէից, եւ զինուորեալ մանկանց նոցա, եւ ամենայն ժողովրդեանս: Չի ամենայն տուրք բարիք եւ ամենայն պարգեւք կատարեալք ի վերուստ են իջեալ առ ի քէն, որ եւ Հայրդ լուսոյ: Եւ քեզ վայելէ փառք, իշխանութիւն եւ պատիւ, այժմ եւ միշտ եւ յաիտեանս յաիտենից. ամէն:

ՄՊԱՍԱԲՈՐՆ - Ամէն: Եղիցի անուն Տեառն օրհնեալ, յայսմհետէ մինչեւ յախտեան: Եղիցի անուն Տեառն օրհնեալ, յայսմհետէ մինչեւ յախտեան: Եւ եղիցի անուն Տեառն օրհնեալ, յայսմհետէ մինչեւ յախտեան:

ՔԱՀԱՆԱՅՆ - Կատարումն օրհնաց եւ մարգարէից՝ դու ես, Քրիստոն Աստուած փրկիչ մեր: Որ լցեր զամենայն հայրական տնօրէնութիւնս քո, լցո՛ւ եւ զմեզ Հոգովդ քով սրբով:

ՄՊԱՍԱԲՈՐՆ - Սուրբ խաչիս աղաչեսցուք զՏէր, զի սովաւ փրկեսցէ զմեզ ի մեղաց, եւ կեցուցէ շնորհիւ ողորմութեան իւրոյ. Ամենակալ Տէր Աստուած մեր, կեցո՛ւ եւ ողորմեա՛:

ՔԱՀԱՆԱՅՆ - Պահպանիչ եւ յոյս հաստացելոց, Քրիստոս Աստուած մեր, պահեա՛, պահպանեա՛ եւ օրնեա՛ զժողովորդս քո, ընդ հովանեաւ սուրբ եւ պատուական խաչիդ քով ի խաղաղութեան: Փրկեա՛ յերեւելի եւ յաներեւոյթ թշնամոյն: Արժանատրեա՛ զոհութեամբ փառատրել զքեզ ընդ Հօր եւ ընդ սրբոյ Հոգւոյդ՝ այժմ եւ միշտ եւ յախտեանս յախտենից. ամէն:

ՄՊԱՍԱԲՈՐՆ - Օրհնեցից զՏէր յամենայն ժամ, յամենայն ժամ օրհնութիւն նորա ի բերան իմ:

ՔԱՀԱՆԱՅՆ - Օրհնեալք \neq եղերուք ի շնորհաց սուրբ Հոգւոյն, երթայք խաղաղութեամբ եւ Տէր եղիցի ընդ ձեզ, ընդ ամենեւեան. ամէն: